

中國方志叢書·華中地方·第四六八號


據

清·崔應階重編，吳恒宣校訂
清乾隆三十七年刊本

影印

江蘇省

雲臺山志



成文出版社有限公司印行



10098010

中國方志叢書·華中地方·第四六八號


據

清·崔應階重編，吳恒宣校訂
清乾隆三十七年刊本

影印

江蘇省

雲臺山志



5677105
成文出版社有限公司印行



10098011

中華民國七十二年三月臺一版

雲臺山志 共二冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

序

昔披一統志知東海雲臺山向在大
海中聳峙蒼鬱雲物出奇山週圍二
百餘里考之典籍卽山海經所謂郁
州山一名蒼梧山者其山古蹟名勝
徵諸事實見於辭章者不可枚舉心
竊嚮往之後於山左署中識來旬吳
生知其確于考據且居此山者數世

詢其形勝如在目前莫得一登其巔
庶可以極山海之觀盡林泉之勝也
庚寅冬奉

命

督漕淮甸越次年閱兵海上直詣雲
臺蓋山居海州境東北外而為海門
之險隘內而為黃淮之尾閭河道海
防均倚作鎮昔在海中數十年來波
平遠徙全載陸地上有三元神宮

聖祖

自有明創建以來屢奉勅賜我

仁皇帝欽題廟額祀典攸隆神屢

著靈異遠近莫不趨禱夫名山古剎
神實憑依護國佑民由來已久敬具
瓣香祇謁為民祈澤見殿宇傾頽深
為惻然既而山僧通許以緣簿呈余
乃首書倡助遂詢及山川風物通許
並出舊志及石刻全圖余披覽之下

覽志多缺畧荒謬而圖亦未詳因思
曩者風塵奔走間謁五臺陟九華升
衡嶽登泰山躋武彛望普陀或志或
圖莫不典覈詳脩信而有徵直與名
山共垂不朽而諸山神宇炳煥千秋
香火日盛此固神之靈爽有以致之
而亦未始非文献表揚與為表裏也
雲臺名勝著於古今合有專志以昭


山靈爰因舊志通證羣書重加編纂
以茲山向有州邑舊治山川名物事
蹟人文在在可稽不與諸山之僅托
栖靈標奇巖壑者比更為分列門類
別立體裁計得書若干卷甫脫稿旋
以被

召入都倥偬就道會吳生來旬謁送河
干即囑其較訂付诸剞劂雖不敢謂

其五臺九華衡嶽泰山武彝普陀諸
圖志並垂不朽然采摭事實搜集詞
章亦可為雲臺生色且使 三元神
宇藉以昭垂異時有與余同志者如
以脩建則是志也安知不繼諸圖志
之後為有心名勝者脩攷證之一助
也歟

乾隆三十七年歲次壬辰季冬楚鄂

崔應階吉升氏序



--	--	--	--

雲臺山志凡例

一古人左圖右史以資涉獵圖之與書固當並列而志則尤以圖重蓋瑰奇之狀幽僻之踪有書不能悉載者圖則一披覽而得之雖屐齒所不及亦可托諸卧遊也故別以圖繪弁斯卷之首

一雲臺稱謂皆徵諸典籍至今遷變不一如六朝時其地為州治為郡治俱依本史敘錄雖志山水而郡邑沿革附此亦可考也

一巖壑之勝相為表裏山水原屬一體故山嶺之後附以湖河泉潭汪澗以全勝槩至海堰湖堤介在

山水之間合並附錄于後

一東海十八村相傳已久自當志入若南北兩城為駐防之所前後二頂乃靈輿之區其他東磊漁灣擅林壑之名勝高島西石極海市之奇觀皆足以快遊覽者之心目故與城村並志

一雲臺勝蹟不可枚舉惟徵諸文獻見於篇什者始志入之其次如顧乾三十六景黃申瑾二十四景雖涉附會然前人既創其名亦不可泯至舊志所載龐居士里殷開山墓等槩屬無稽未敢載入一雲臺香火三元祠宇最著故特表而首書之以示

尊崇此外道觀僧寮殆以百計其間勝地頗多有
昔盛而今衰者有昔無而今創者槩詳錄之為山
靈增色耳

一雲臺本屬靈境生物最饒故物產獨備志內並及
海族者以海中種類地易形殊各海口所產頗有
異同故近山生物附入山志以待博物者之考証
一藝文中碑記獨多以既經勒石確有可徵廣為鈔
列既藉此考證事實且以表山靈也其本州人士
著述非關此山者一槩不入

一怪異之事本屬無稽然文獻有徵亦可為劇談者

助故顧志所載凡舊蹟相沿而典籍莫考者皆入軼事

一雲臺舊志有引載事蹟他書無可考者雖經刪去然習聞既久以訛傳訛野人叢談幾成信史茲復畧舉數則及他書所見關於此山而其事無稽者槩附卷末以俟高明者之論定

雲臺山志目錄

首卷

序文

凡例

目錄

圖繪

卷之一

原委

形勝 稱謂 遷變

山嶺

湖河泉潭汪澗附 堤壩附

城村

勝蹟

卷之二

寺觀

物產

卷之三

藝文
序

卷之四

藝文
記

卷之五

藝文
記
傳
贊
碑
銘
墓表
跋